

JAORGANK 14 - 2020

de Uulewapper

OETGAVE VAN SJTADSVASTELAOVESVERENIGING D'N UUL REMUNJ



Cas d'n Eerste
JEUGDPRINS D'N UUL 2020



LEEF UULKES EN UULINNEKES

De nuje Uulewapper lik veur uch en 't is opnuuj 'ne euvervolle kammeraod gewaore. En net wiej eder jaor sjiteit de ganse Uulewapper in 't teike en thema van de Kienjermusical: "Sjprookjes-suupke". En netuurlik heel väöl aandach veur oze nuje Sjtadsjeugprins. 'n Paar tips óm zeker neet euver te sjalaon:

- 6 x 11 Kienjergarde???
- Drie sjtraolende sjterre???
- Uulejónges???

En nog hééél väöl meer.

- De adjudant van de Vórs???

- Hoondervel???

- 't Döbbelinterview mit de Prinse???

En neet allein det in de Uulewapper. Bie inkele sjtokskes zólt geer och zogenamde QR-codes zeen sjtaon. As geer die code mit 'ne QR-scanner op de smartphone scant, kint geer online nog meer bekiske en beloestere euver det óngerwerp.

HEEL VÄÖL LAES- EN VASTELAOVESPLEEZEER!
DE UULEWAPPERS



Van Gardemaedje toet sjooprinzes




Elisa Prestigiacomo van de Kienjergarde waas afgeloupe jaor prinses op OBS Aan de Roer. Wie haet ze det belaef?

"Vanaf mien 6e dans ik al es kienjergardemaedje bie D'n Uul. Eder jaor opnuuj make veer 't oetrope van de jeugprins en alle magie d'r ómhaer mit. Prinses bie D'n Uul ging 't neet waere, mer gelökkig waas die meugelikheid d'r op oze sjoool OBS aan de Roer waal, in groep 7, dus ich had mich hie metein veur ingesjreve en och al eine sjpreuk bedach: "Kleijer check', schmink check , Prinses Elisa check, klaor veur drie daag lekker gek"!

Begin fibberwarie waas 't zowiet, de daag det de prins en prinses ein tillefoontje zoude kriegen nao sjoool, wat waas det sjpannend! En ich kreeg det tillefoontje! Mien twinzöster Vienna koos ich oet es adjudant en mien klasgenoot Owen waas prins en Mathijs ziene adjudant. Waat höbbe veer een pleezer gehad same, kleijer passe,

dansje oefene, foto's make en angere veurbereidinge treffe. Waat ein sjpanning toet aan 't oetrope toe, want klasgenote bleve mér raoje en veer móste 't sjelkelje mitsjpele. 't Moment van oetrope waas geweldig en wiejer höbbie veer de ganse waek es Prins en Prinses allerlei aktiviteite moge veurgaon, zo es 't leedjes konkoers, sjleuteleuverdrach en oze eige Aan de Roer optoch!

Ich zal edere vastelaovend hie weer mit heel väöl pleezer aan trödkinke, want veur mich waas 't ech heel sjpesjaal, net ein "sprookje".



REFREIN

Veer gaon los 't is weer vastelaovend
 veer gaon los toet laat in de aovend
 Zeuke get biejein
 Eine onger ein
 Al wurt 't sjmorges vreug
 Veer waere gaar neet meug
 Veer gaon los 't is weer vastelaovend
 veer gaon los toet laat in de aovend.

COUPLET

Eder jaor opnuuj eine onger ein
 Op eine grote houp
 Alles biej ein
 Sjumming in de tent helemaol los
 Ederein is de klos
 Mit vastelaovend geit 't draan
 Toedele ós waal get aan.

COUPLET

Sjmienke jao of nae
 Det maak neet väöl oet
 veer höbbe toch ein gekke sjnoet
 ein onger ein same neet allein
 zo gaon veer 't doon
 dan wurt de vastelaovend ohhh zooooo sjoooonn.

COUPLET

Ich zeen dich sjtare
 Ich zeen dich male
 Waat zol der door det köpke dwale
 Haols alles oet de kas
 Kieke waat pas
 Waat mot dao biej
 Waat maak dich blieb
 Höb ich 't waal hiej.



VASTELAOVEND!!.... DET DOON VEER SAME!!

Aeve veursjtelle: ne nuje Sjtad-sjeugprins van Remunj, Jeugprins van D'n Uul, Cas I (Linnartz), gebaore op 9 juli 2008 in 't krankehoes van Remunj. 't Geveul van vastelaovend is 'm mit de plaepel ingegaeve. Mit 6 maondj loog hae mit de Vastelaovend al bie Braam op de beugelbaan in 't pekske van de Prinselike Sjtadts-Garde Faubourg St.Jacques.

Hae kump oet 'n echte vastelaovesfemielie. Pap Harold (Linnartz) en Mam Petra (v. Etten) zeen gein ónbekinde, maar zeen al sinds jaor en daag bekinde gezichter bie de Sjtadsgarde. Same mit zie jónger breurke Thijs is Cas al van jóngs aaf aan mitgegange mit de Sjtadsgarde. Opa en Oma van Mam häöre kantj, Theo en Marianne v. Etten, zeen nog sjeweeds bie de Garde, Oma as Flemmetet en Opa as Douanier. Opa en Oma van Pap ziene kantj, Karel en Joke Linnartz, zeen aktief betrokke bie de Donderböl. Karel is ere-vórs bie de Donderböl en Joke is oprichster van de BAS. Ao jao, det waas ouch nog 'n dink, om veur die ganse Gardefemielie, wo-ónger nog waal de kómmendant van de Sjtadsgarde, ome Ted (van Etten), 't geheim te beware det Cas de nuje Jeugprins van D'n Uul zól waere.





Cas sit in groep 8b van OBS De Stapsteen, zie breurke Thijss
zit in groep 5c. Zie wone op de Vestesingel, maar tie des de vast-
elaovesdaag logere zie in häör boeteverblyf in de Veursjadt.

In ziene vrieje tied is Cas lid van Scouting St. Hubertus, en daobie trómmelt
hae ouch nog heel väöl en gaer. Maar veur Cas veult zelfs de vastelaovend
as 'n hobby. Mit Kersmis, nao 't hoofgerech, geit de vastelaovesmeziek
aan, toet aan As-woonsdaag!! Normaal viert hae vastelaovend mit en
bie de Sjtadsgarde. As die oettrèkke lop hae mit de tróm verop.

Dit jaor geit hae aevl ouch verop, maar noe op 'ne sjone
Vastelaoveswage, same mit **zien adjudante,
Tijs van de Ben en Keane
Reinders**.

Tijs is 'ne vrundj van bie Scouting St.
Hubertus, en Keane en Cas zitte al
jaore bie-ein in de klas. Tijs is de zoon van
Martijn en Chantal van de Ben en hae haet
nog 'n kleinder breurke, Stan.

Keane is de zoon van Roel en Daphne Reinders
en ouch hae haet nog 'n kleinder breurke, Timor. Alle
twee de gezinne höbbe nog noojt ech vastelaovend gev-
erd, zie waere dit jaor dus in 't deep gegooid!

Cas verheug zich heel erg op 't Vastelaovessezoen, veural op de
optoch. 10 jaor lank haet hae 'm geloupe. Noe, de 11e keer, moog hae
baovenop 'ne vastelaoveswage door de binnesjadt van Remunj trèkke.

Cas is ouch heel benuujd wie zien Opa's en Oma's zólle kieke as zie zeen det
Cas dit jaor de Sjtadsjeugprins van Remunj, de Jeugprins van D'n Uul is
gewaore.

Wie sjoon 't dit jaor ouch zal waere, één dink sjteit noe al vas,
volgend jaor zal hae weer verop loupe mit zien tróm, gewe-
un as... Cas!!



PROKLAMASIE

Veer CAS I

SjtadsjeugPrins van Remunj

bij de gracie van
Sjtadsvastelovesvereniging
On Uul
in 't jaor 2020

Gebaore int' krankehoes in dees sjoon sjtad,
troemeleer van de Prinselikke Sjtads Garde Faubourg
st. Jacquier en sjool giond nac de Stipsteen in Herte.
Zoon van Petrus en Harold en grote broor van Onys. Kleinzoon van echte
Sjtads-Gardiste Marianne en Theo van Etten en van Joke en ere Vora
van de Donderbol Karel Linnartz. Achterkleinzoon van Letta van de
Haanjerwout. Paktekiend van de kommedate van de Prinselikke Sjtads Garde Faubourg
st. Jacques. Dees daag waere veer ongersjeund door os twee adjudante Teis en Keane.

Catreve uch hiejbij te kinne det:

Mien gardetiom de kommende daagsjil zal zeen.
Dit jaor oppe Boulevard du Gardé en Uule Neste vijnje is.

 (3) Veer de tuukes goed in henj höbbe.

 (2) Veer de päölkés goed aanen gebónje höbbe.

 (2) Veer t vuurke heit zolle opstaake.

 (1) Veer mit de driej dol daag, neet toes mer op os boeteverblief in de veursjtad te vinje zeen.

 (2) La Bonne Aventurie daobij medein octroop es os eige residensieij.

 (2) Veer al heel vâol gesjiedenis van Remunj kinne en weite te vertelle.

 (1) Mien grootvaders os det allemaol höbbe verteld en biej höbbe gebrach.

 (1) Remunj os vanaaf de gebaorte in t bloed zit.


 (1) Veer dit jaor alles same zolle doon doen.

Opgeteikend en oetgesjpraoke in Remunj, onger os en onger oze liefsjpeak :

Vastelaovend, det doon veer same!



Galerie van (aad)jeugprinse mit häör adjudante



++ 2017
Niek I mit
adjudante
Steef en
Krijn



2018 ++
Enzo I mit
adjudante
Sjors en
Stijn



++ 2019
Daniek I mit
adjudante Job,
Vinn en regel-
tante Bibi



Kiek veur de foto's van
de ajere aad jeugprinse
en häör adjudante en ouch
veur de interviews op
www.dn-uul.nl

VRAOGE AAN THEO HERMANS



WIEJ LANG ZEET GEER AL BIEJ D'N UUL EN WIEJ IS DET ZO GEKÓMMÉ? Ich bön in 1990 veur 't eers in aanraking gekómme mit D'n Uul: ich waas toen de sjefäör van Sjtadsprins Lex I Vervuurt. Dus dit jaor bön ich persies 30 jaor aktief biej D'n Uul.

WAAT DUIT ZÓNNE ADJUDANT VEUR DE VÓRS ALLEMAOL? Veural de Vórs helpe mit alles waat zich mer veurd uit. En d'r same veur zorge det alles good verlöp.

WIEVÄÖL EN WELKE VÓRSTE HÖB GEER GEDEEND? Ich bön adjudant van veer Vórtle gewaes, namelik Vórs (Ome) Naad, Vórs Hans, Vórs Sybaer en noe Vórs Dirk.

VEER ZEEN UCH VEURAL MÖTSE, VAERE EN SCEPTERS VEUR DE PRINSE KLAOR LIGKE BIEJ 'T OETROPE EN VÓRS DIRK ÓNGERSJEIJINGE AANREIKE IN DE LOUP VAN 'T SEZOEN. MAAR IS DET ALLES OF WAAT DOOT GEER ALLEWIËL NOG MEER BIEJ D'N UUL? Nae, det is neet alles. Ich help al vanaaf maondje veur de Vastelaovend begint bie 't samesjtelle en make van 't kómplete "wanjelpergram". Det is 't hele pergram wo de Prinse en de rès van 't oetrèkkend gezelsjap van D'n Uul (de Raod van XI, Prinsekapel, alle gardes en de Uulejónges) in de loup van 't sezoen nao toe mótte. Biej de medalies bön ich betrokke bie de veurdachte (waem krieg welke medalie) en biej 't oetreike d'r van, maar ich besjtèl de medalies ouch. Verder bön ich begeleider/adviseur van de Prins tiedes 't sezoen en ich bön lid van de Raod van XI.



WIE VINTJ GEER 'T DET GEER ERELID ZEET GEWAORE? EN WAAT HILT DET IN?

Ich vinj det ein enorme EER. 't Hilt in det de vereniging al 't werk det emes duit of haet gedaon zeer bezónjer waardeert.

WAAT VINTJ GEER 'T LEUKSTE ÓM TE DOON IN 'T VASTELAOVESSEZOEN?

Óm same mit de Vórs en de Prinse euveral mit nao toe te gaon en te zeen det miense dao erg blieb van waere als veer es vereniging nao häör toe kómme.

GAOT GEER OUCH WAAL INS VERKLEIJD OP PAAD MIT VASTELAOVEND?

Nauweliks, ich bön bienao altied in 't rokkestuum. Nao 't Verkesbal gaon ich waal aaf en toe verkleijd.

WIE IS DAE VÓRS DIRK NOE ZO ES D'R NEET IN FUNKSIE IS?

Nou, den is hae ouch nog veurzitter van oos vereniging. En daoveur mótte ouch zeer regelmaotig take waere oetgeveurd, biejveurbeeld begrafenisse bezeuke, sjpulle besjtèlle en van alles oetzeuke.

ZEET GEER EIN SAORT "OPPAS" VEUR HEM: AANKLEIJE, RÓNDJRJEJE, DRINKE/AETE HAOLE, NAO HOES BRINGE?

Nae, zeker neet. Det kint hae allemaol prima zellef. D'r mótte erg väöl belangriekere take waere geregeld: aafsjpraoke make, op tied kómme óm de Prinse te óntvange, euveral mit nao toe gaon, toesjpraoke haje etc. etc. Dao help ich hem biej det det allemaol good en tiejig verlöp en gebeurt.

WIEJ VINTJ GEER DET HAE 'T DUIT ES VÓRS?

Oetsjtaekend, namelik SAME mit ederein. Want allein kint Vórs Dirk det allemaol ouch neet.

ZEEN EUR KIENJER/KLEINKIENJER OUCH AKTIEF BINNE D'N UUL?

Nae, neet aktief. Mer ze helpe aaf en toe waal mit en ze kómme nao de optoch kieke.

WAAT WILT GEER NOG MITGAEVE AAN DE KLEINE UULKES?

Óm SAME mit Vórs Dirk, de grote en kleine Prinse en ederein väöl plezze te höbbe mit de Vastelaovend

Drie sjtraolende sjterre...

De Uulewapper brink veural good, leuk en plezierig nuuts. Maar heel aaf en toe is der ouch treurig nuuts. Net veurdet dit nuuj sezoen begós mónde veer bie D'n Uul in heel korte tied drie belangrike miense oet ós Uulefemilie loslaote; versjrikkelike waeke ware det...

Thomas van Etten waas bie de Uulejeug veural bekind es pappa van gardemaedjes Maud en Sara, es lid van de Raod van XI en es lid bie de Jeugprins Keuze Begeleijings Kemissie. Netuurlik ouch es man van oos Kienjergarde-begleidster Marijn en superpapa van Freek. Mit 38 jaor is Thomas in oktober väöl te vreug gesjtórvé.



Nog gein drie waeke later kwaam 't treurige berich det "**oze grote Naad**" ós plotseling waas óntvalle. Heel väöl jaor waas Naad zeer belangriek veur D'n Uul. Hae waas neet veur nieks "Broor van D'n Uul" en Erelijd. Mer alle Uulekienjer en Uulejeug haje ein spesjaal plekske in zien hert! Eder jaor keek hae der enorm nao oet óm mit uch nao de kirmes te gaon. "Nao de kirmes mit ome Naad" krieg daomit waal ein heel treurig inj en waas in 2019 veur 't lès....



Drie daag later kwaam 't versjrikkelike berich det **Kim Beelen** plotseling gesjtórvé waas. Veur väöl luuj waas Kim gein bekind gezich, mer det kwaam ómdet zie oppe achtergrondj gans hel veur D'n Uul aan 't werk waas. Binne de Kienjermusical waas zie ein van de drievende krachte bie de decors en de kostuums. Daomit zorgde zie det alle kienjer kósde sjtraole oppe buhn in de Oranjerie.



Veer mótte helaas verder zónger dees geleefde miense, mer der sjtaon veur altied drie sjoen Uulesjterre aan de hemel der bie. In det sjtraolend leeg drage veer de herinneringe aan häör altied bie ós...!



Names de ganse Uulefemilie van Sjtadvastelaovesvereniging
D'n Uul

Dirk I Franssen
Vórs/veurzitter



Dit jaor viere veer 6 x 11 jaor Kienjergarde mit 'n feestelike reünie op 18 januari 2020 in 't Witte Kirkske in de Veursjtad. 66 x 13 maedjes' die 't geveul veur Vastelaovend höbbe lere veule bie D'n Uul.

In 1954 kwaam mevr. Trees van de Bergh-Bierbaum op 't manjeefiek idee óm kienjer mit te naeme in 't Vastelaovesgedruus. Vanaaf det moment waerde tradisies opgeboewd, in ere gehaje en oetgedrage.

Waems se ouch sjpriks, de maedjes, de leijing, de trainsters of de begeleijing; al 66 jaor geit 't op dezelfde meneer. De maedjes oefene al jaore in e zaelke bie 'n kefee zodet de elders gezellig aan de bar kinnes kinne make. E paar kefees die de revue höbbe gepasseerd zeen Astoria bie Bert, Braam en de lèste jaore bie 't Witte Kirkske. Bie de traininge waerde ouch väöl elders enthousias óm get veur de vereniging te gaon beteikene. Veur de maedjes is 't 'n eer en 'n sjoon herinnering óm bie de Kienjergarde te moge danse.

Väöl maedjes waere door häör elders al bie de gebaorte op de wachlies gezat, zodet zie verzekerden van e plaetske bie de Kienjergarde es häör dochter 6 jaor is. Óngertösse haet de Kienjergarde selfs al väöl maedjes gehad wovan de mam vreuger ouch bie de Kienjergarde is gewaes.

De herinneringe die de maedjes höbbe lieke heel väöl obbein. 't Oetrope is noe mesjiens get groter maar

waert toet op de daag van vandaag nog altied same gedaon mit de Kienjergarde: ze sjtaon achter de Jeugprins.

Nao 't oetrope belaeve ze same väöl sjoon daag mit resepsies, feesmiddige, de middig oetgeneijd door de Jeugprins, sjlaopfeesjes en de Kienjermiddig/ Kienjermusical. En dan begint de Vastelaovend mit 'ne middig nao de kirmes, Sjapsnazebal, Optoch, Bachusdriewe en aan 't inj 't aaftraeje van de Jeugprins.

Noe höbbe veer 13 gardemaedjes. Vreuger had me 'n kómmendant en 'n dansmarieke d'rbie en dees ware oetein te haje door apaarte pekskes. 't Dansmarieke beveurbeeld had zón echte Duitse pruk op. Naonet Claudia Nelissen 't lèste dansmarieke waar mit pruk, waar 't e jaor later de eer veur Mascha óm 't allerlèste dansmarieke te zijn.

De kleijing van de Kienjergarde is waal verangerd door de jaore haer. Väöl kleure höbbe veer gezeen; rood, pulper (paars) en dónkerblauw. De lèste jaore höbbe alle gardes bie D'n Uul Uuleblauw pekskes en zeen zie allein nog te óngersjeije in greutde en diekde van de berduursels.

De feestelike reünie van de Kienjergarde op 18 januari 2020 beginnt óm 14:33 oer en ederein is hie van herte wilkom! Melj uch aan via secretaris@dn-uul.nl es Aad KG maedje en óntvang 'n sjoon herinnering!

Langs deze waeg wille veer ederein bedanke, Aad Kienjergarde maedjes, Aad begeleijing, en ederein dae oojt get veur de Kienjergarde beteikend haet.



1983



1992



1998



2002



2008



2014



2018

De feestelike
reünie van de Kienjergarde
op 18 januarie 2020
begint óm 14:33 oer
en ederein is hie van
herte wilkóm!

De Uule Gezet

Uule Deurknoep

De hel kern van Uule-elders is 't ganse jaor door op zeuk nao leuke Uulesjpulkes veur in 't dageliks gebroek. En daoveur reize ziej sjtad en landj aaf. Zo kwame Varadi (links) en Marijn (rechts) deze óntzettend leuke Uule deurknoep taege in Monschau (Pruuses).



Aeve veursjtèlle.

Hoi, Ich bön Bibi Brouns en bön 10 jaor aad. Veurig jaor waar ich nog regelzöster bie mie broor Danieck I, Aad Sjtadsjeugprins van D'n uul 2019. Ich moogde toen al e paar keer mitdanse veur de joeks bie de kienjergarde en det vónj ich heel erg leuk! Dit jaor moog ich offesjeel mitdanse!

Ich höb al heel väöl lol en plezeer belaef mit dees maedjes aafgeloupe sezoen en noe dans ich zelf mit, wie leuk is det! Kirsten en Felicia vinj ich super leuke trainsters!

Veer höbba 3 katte: Kitty, Minoes en éin oet Roemenië geadopteerd: Gipsy
Ich bön 'ne enorme fan van AJAX en Enzo Knol
Mien hobby's zeen: voetbal bie SHH in J011-02

Ein kleintje....

Ouch bie de Raod van XI sjteit "maatsjappelik verantjwaord", "gezondj" en "mit maote" hoog in 't vaandel. Ouch de pries van 't beer vandaag de daag maakt det de Raod kreatief blief zeuke nao menere óm mit de tied mit te gaon.

't Lèste nuuj initiatief is 't "kleintje Eifeler Landbier": ambachtelik mit bronwater gebroewe, óngefilterd en natuurzuver beer. Lekker, gezondj en in ein maot die de dòrs veurkump maar 't kopke de volgende daag neet leut óntploff! Dit sezoen zal de Raod hiejmit oetgebreid gaon testdrejje.



kruutske/bölke

Vórs Dirk mit zien petekientje Mia sjpele kruutske/bölke. Lokasie kefee De Sjnats, op de 11e van de 11e. Bacchusklup versus D'n Uul.



Euver de oetsjlaag kint neet waere gekorrespondeerd.....

Dirk Franssen nuje Veurzitter



Ónger de Algemeine Lejevergadering van Sjtadsvastelaovesvereniging D'n Uul op 5 juni 2019, is Vórs Dirk Franssen gekaoze es nuje Veurzitter van de vereniging. Vórs Dirk volg daomit Aad Prins Roger I Geurtz op es Veurzitter, dae det al vanaaf juni 2016 waar. Mit zien beneuming toet Veurzitter vervölt Dirk Franssen vanaaf noe 'n döbbelfunksie es Vórs en Veurzitter van D'n Uul. Nao Naad I Imkamp en Hans III Smals, is Vórs Dirk I Franssen de 3e Vórs in de historie van D'n Uul, dae zien Vórssjap mit de funksie van Veurzitter kómbineert.

SJTADSVASTELAOVESVERENIGING D'N UUL REMUNJ

Vastelaovend guf ós Hoondervel!

Nao de LVK-winst en de Sjpektakulaere show op de Sjatiefestatie ging oze reporter langs bie Hoondervel!

Gefilleseteed mit 't winne van het LVK mit Groete oet de fieësttent! Wie is 't eigelik óm 't LVK te winne? Ongeluifelik, ontzettend gaaf, onverwachts, neet te besjrieve, zegk mer om Hoondervel van te kriege... Dankjewel trouwes en wae haaje noeits gedach det wae dit ooit zooie kinne winnen en as UT den toch gebeurdj is het toch echt as eine druim die oetkumptj en waore wae auch as klein junkes zoe bliej... mer det haet ederein ouch kinne zeen aan os reaksies....

klink ech geweldig vèt, haop det 't nog eine keer lòk. En wie is 't eigelik óm op de Sjatiefestatie op te traeje? Det is keigaaf... det is ut groetste podium mit het meiste publiek, mit altijd hieel veul bekindje in ut publiek, veultj daorum net zoë wie op 't Pleinfestein in Heytse veur os altied zon bieetje as thoeskomme. Woebiej in Remunj ut geluid oppe bühne altied good geregeldj is, zoedet wae same mit ut publiek d'r altied ein leuk feestje van kinne make.




Bert, Ralph, Roel, Michel, Harry, Ruud en Edgard

Eure naam, Hoondervel, det klink ein bietje vèttig...

Det is ontstaon biej ut beloestere van oos eerste opname in eine echte studio....det klonk toen zoë sjoen en sjiek en om veural die echte instrumente te huure, det waas compleet nuuj veur os as neet muzikante det wae d'r allemaal kippenvel van kreege.... en oos kippevel is vervolgens Hoondervel as nuuje naam gewaore...

Waem van Hoondervel kint d'r eigenlijk het helste vals zinge? Det is duudelik, det is Roel, althans wat betreftj ut het valse gedeelte denne.... ut helste zinge det door wae allemaal same, puur oet oos enthousiasme kinne wae det samen mit oos publiek hieel good ;-)





En 't beste danse? Det is auch ein mekkelikke vraog, want Harrie is de man van de danspasjes. Hae haet dao zonger twiefel ut meiste geveul en ut beste figuur veur!

Waat is uch eige levelingsleedje van Hoondervel?

Det is noë natuerlik Groete oet de fieesttent, ut winnendje LVK-leedje... euveral woë wae komme kin ederein dae mitzinge, det is gewun echt fantastisch as wae oppe bühne staon en ederein zingtj dien leedje mit. Euverigens zeen wae zellef zeer tevreeje euver os nuuje leedje De Proostende Provincie.

Biej D'n Uul zitte väöl kienjer die och meziek make of DJ'e ofzo. Höb geer nog tips óm net zo bekend te waere wiej Hoondervel? Durf te druime... en geluif d'r in... nikks is onmeugelik, kiek mer nao os.... det wae ut LVK koste winne haaje wae nooits gedach en noe is ut os toch geluktj. Wae geluive detse veural pleezer mos hubbe in watse duis, det is ut belangrikste en den kinse dus mit ein bietje gelok en neet opgaeve de leukste en sjoenste dinge gebeure.... Veural doorgaan dus en zorge detse pleezer hubs en maaks!!!

Vèlt mich nog ein vraog in, die dink ich waal bie ederein laef: as geer eine eige sushi zòlt höbbe, waat zòl det dan veur eine sushi zeen? Sjieke vraog.... det waertj den eine sushi bestaondje oet eine mix van blauwe m&m's, zoere matte, trekdrop, olieve, neutjes mit ein sjeutje alcohol (beer, sjoes en jagermeester)



Mien vastelaoveshoondervelmomentje!



LIZ 'Mien 2 sjoonste hoondervelmomente zeen 't aafsjeidskónzaer van 't Vleisboeket op de Sjolefestasie en de optoch in 2017 wo ich mit moogde op de grote Prinsewage mit papa, Aad Prins Marnix I en häör vrunj.'

NOUR 'Ich woon in Egypte mer vastelaovend vier ich in Remunj. 't Veurig jaor vónj ich de optoch ech geweldig en de sjoonste sjat.'

ELINE 'Mit pappa en mamma nao 't witte kirkske veur de Kienjermiddaag. Mit ederein vastelaovend viere, danse, sjpringe en zinge'

LIV 'Ich sjeepel het hele jaor door vastelaovend, mer 't allerleukst vinj ich as mien Mam mich sjminkt.'

TIES 'Mit de jeugprins danse oppe meziek! Mer waat mich ech 't allersjoonste liek is sjnoepjes goje vanaaf de wage.'

SJPROOKJESSUUPKE

KIENJERMUSICAL 2020

Deze musical geit euver... Vertèlselkes, ouch waal sjprookjes geneump. Sjprookjes kinne veer allemaal waal, neet? Kint geer beveurbeeld 'Doornroosje', 'Sneeuwwitje' en 'Assepoester?' Jao?? Mer kint geer dan beveurbeeld ouch 'Het herderinnetje en het schoorsteenvegertje', 'De bijenkoningin' en 'De kleine Ida'? Nae?? Nooit van geheurd zelfs...? Kiek... En det is noe persies wo dees veursjtelling euver geit... Euver de ónbekinde sjprookjes, de sjprookjes die veer 'n bietje vergaete zeen, die veer neet meer kinne... Mer dees sjprookjes wille neet vergaete waere! Zie wille net zo bereump blieve es 'Sneeuwwitje', 'Assepoester' of 'Doornroosje'

Mer jaomer genóg... Op 'ne daag sjtaon 't nog mer 5 sjprookjes op DE lies. Nog mer 5 sjprookjes die gelaeze waere. Nog mer 5 sjprookjes die bereump zeen. Det is neet bès! 't Sjprookjesbós is in rep en reur... Alleen 'Doornroosje' maak zich nörges drök óm,



ederein kint häör, zie is bereump en sjteit al jaore op nómmmer 1! Mer al die angere hóngerde sjprookjes dan...? D'r MÓT get gebeure: 'de Sjriever' wèt vas waal raod! De oplossing liek invoudig, veer make geweun EIN groot nuuj sjprookje! En det doon veer zo: sjtop alle sjprookjes in 't verhaol van 'Doornroosje', bietje sjödde, bietje minge: zie bereump, ederein bereump! Toch? 'De Sjriever' geit aan de sjlaag mer 't sjrieve van EIN sjprookje is neet zo mekkelik es gedach. D'r óntsjeit ruzing, heel väöl ruzing, want ederein wil 't bëste plaetske kriege in 't nuuj verhaol. Gelökkig loupe sjprookjes altied good aaf, is 't neet? Nou, det hink deze keer eigelik 'n bietje van uch aaf. Pas es geer sjprookjes blief laeze, kinne veer fees vieren en zègk: "Inj good, al good!" Persies zowie 't heurt!

ALGEMEINE INFERMASIE

Zón 80 kienjer en volwassene doon dit jaor weer mit, mit de Kienjermusical. De Kienjermusical is 'ne middaag veur en door kienjer, mit tóneel, zank en dans. Netuurlik kómp geer allemaal weer kieke dit jaor! De veursjtelling is veur de ganse famielie, grootvaders en grootmoders zeen ouch van herte wilkom.

- ✓ De veursjtellinge zeen op **16 fibberwarie 2020**.
De eerste veursjtelling begint óm **13:00 oer**.
De tweede veursjtelling óm **15:45 oer**.
- ✓ Nao de Kienjermusical is 't altied 'ne sjone naozit in de Salle de Fête, wo ónger 't genot van 'n drenkske nog gezellig kin waere naogepraot.
- ✓ **Kaertjes koste €11,-** (inklusief poosdrenkske) en zeen te koup bie Theaterhotel De Oranjerie in Remunj.



Tom Geenen (13 jr)

De Kienjermusical gif mich väöl enerzjie. Ich höb 'r väöl vrunj en ich kóm altied heel blie toes nao de rippetisie.



Sam Tinnemans (13 jr)

't Is altied gezellig bie de Kienjermusical.
't Is sjoon!

Maxi Wolters Gregorio (9 jr)

Ich vinj 't supersjoon óm 't verhaol oet te beelde. En dan moge veer ouch nog optraeje in ein van de bekendste geboewe van Nederland, veur väöl pebliek.



Stijn Peters (13 jr)

'Ich doon mit, mit de Kienjermusical ómdet ich erg väöl van tóneelsjpele haaj. 't Verhaol van oos tóneelsjtök is altied sjoon en doe sjpeels mit hele leuke miense!



Julia Silkens (9 jr)

Danse, zinge, aktere en 't optraeje!
Allemaol superleuk!



Joep Opheij (10 jr)

Ich doon mit, mit de Kienjermusical ómdet het fein is óm te bewaege en ómdet mien vrunj d'r zeen!



Puck van Empel (11 jr)

Ich doon mit, mit de Kienjermusical óm te danse en tóneel te sjpele. En dan is 't netuurlik ekstra sjoon es se op 't grote tóneel van de Oranjerie moogs sjpele.



OZE SJTER KIM ☆

Aafgeloupe 7 november bereikde ós 't dreuvige berich det Kim Beelen ónverwachs waar gesjtórve. Kim waar de leefste mama van Wes en Seb Wullms, twee jonges die al jaore mitdoon mit de Kienjermusical. Kim waar

greuts det häör jonges op de bühne sjtinge en vónj 't heerlik óm op häör meneer, achter de sjirme, 'n aandel te kinne levere. En dao ware veer erg blie mit. Zie waar 'ne kreatieve doe�jendpoot, 'ne henjige alleskinner wo veer bie de Kienjermusical dankbaar gebroek van kósde make.

Nieks waar Kim teväöl. Nieks waar häör te gek. Of 't noe euver dekors, techniek of kestuum ging. Kim had altied iedeje óm dinger mekkelerik, baeter en in eder geval sjoner te make. De meist manjefieke kreasies kwame oet häör henj. 'n Gaaf die zie ónger angere ouch gebroekte óm de Vastelaovespekskes veur häör kienjer en zichzelf te make. Veer zólle Kim gaon misse. Kim waar oze kreatieve sjter achter de sjirme. Kim is dit jaor 'n sjter op oze poster.

De Kienjermusical 2020 "Sjprookjes Suupke", zal waere opgedrage aan oze sjter Kim Beelen. Deilnaemers, mitwirkers en organisasie van de Kienjermusical.

DE KIENJERGARDE



LEE-VIENNA COENEN, 11 JAOR

Ich sjipits mich op de Vastelaovesoptoch en 't lozjeerpertieke mit de Kienjergarde is altied gezellig. Mien levelingsaete is sushi en pizza.



FIEN TOBBEN, 6 JAOR

Ich doon dit jaor veur 't eers mit bie de Kienjergarde. Det vinj ich supersjiek. Ich hockey en dans ouch heel gaer. Lekker schminke, danse, zinge, same op paad en sjeips aete! Det is Vaste-laoend veur mich.



SARA VAN ETTEL, 10 JAOR

Ich bön door mien zöster Maud en elders bie D'n Uul begós mit danse bie de Kienjergarde. Ich vinj 't heel erg sjoon. Ich gaon papa waal misse kómmend jaor... Ich bön megafan van 't Vleisboeket.



TIRZA CRIENS, 9 JAAR

Ich zit op de Sjteine Brök. Ich vinj 't sjoon óm mit mien naefke en nichske oet Egypte Vastelaovend te viere in Remunj. 'Brokkie Lee' is mien levelingsleedje en Sardinië mien sjoonste fekansie-eilandj.



VIENNA PRESTIGIA-COMO, 11 JAOR

Hilt van pizza en lasagne. Ich geneet de ganse Vastelaovend door van alle aktieviteite en meziek. De Sjolefestasie en optoch vinj ich supergeweldig en 't danse veur de JP vinj ich heel erg sjoon.



ELISA PRESTIGIA-COMO, 11 JAOR

Hilt van pizza en pasta. Vanaaf 't oetrope van de Jeugprins toet aan 't aaftraeje toe geneet ich van alles wo v'r mit de KG op oetrèkke. 't Lozjeerfeesje mit de Kienjergarde vónj ich supersjoon!



SAAR PUTS, 6 JAOR

Hilt van danse bie de KG. Mien favoriete Vaste-laoesnómmmer is 'Roete-wisser'. Mit de Vastelaovend aet ich gaer pannekeuk en schminke ich mich 't leefs zelf. Mien favoriete kleure zeen rood, pulper (paars) en raos.



FLOOR STROEKEN, 11 JAOR

Ich vinj Vastelaoves-maondaag de sjoonste daag, want de optoch is super! Mien favoriete Vastelaovesnómmmer is 'Ein dingk'. Mit de Vastelaovend aet ich gaer wraps.

2019-2020



**NINA VAN ETSEN,
11 JAOR**

Mien favoriete fekansie-
besjutting is Mallorca.
Mien favoriete
Vastelaovesnómmmer is
'Feesdaag'.
Mit de Vastelaovend aet
ich gaer sushi.



**CHARLOTTE SCHMITZ,
BIENAO 12 JAOR**

Ich höb heel väöl zin in de
Vastelaovend, veural in de
Sjolefestasie en de optoch.
Mien favoriete Vaste-
laovesnómmmer is 'Feesdaag'.
Mit de Vastelaovend aet ich
gaer lasagne en 'scrambled
eggs'.



**PUK VAN DEN
BRAND, 6 JAOR**

Ich bön 'n blie maedje
det gek is op make-up en
alle kleure nagellak. Mien
favoriete Vastelaoves-
nómmmer is 'Nao 't Zuuje'.
Mit de Vastelaovend aet ich
gaer de gehakballe die papa
altied maak.



**BIBI BROUNS,
10 JAOR.**

Mien hobby's zeen: aaf-
sjpraeke mit vrunj, voetballe
bie SHH en filmkes kieke
van Enzo Knol. Mien Vaste-
laovesleedje: '1000 sterre'
van Bjorn en Mieke.
Mien levelingstaete is:
Frietje sjpesjaal van Guus.



**MARIT NELISSEN,
11 JAOR**

Veur 't lèste jaor bie de
Kienjergarde.
Aet gaer sushi en riejt 't
leefs op häöre ponnie.
't Sjoonste Vastelaoves-
leedje is 'Sjuuf, Trèk,
Blaos, Klep'.



Ouch dit jaor vindj 't
traditionele Sjnapsnazebal
plaats mit es thema:

SJPROOKJESSUUPKE

Höbs dich zin in sjpel-
kes en vette meziek?
Kóm dan biej ós aan
en same make veer d'r
drie sjoon middage van.
Ouch de Sjtadsprins en
Sjtadsjeugprins zolle
mit häör gardes biej ós
aankómme.

Sjnapsnazebal

TOET
DAN!



Wanneer	: Zaoterdaag 22, Zóndaag 23, Maondaag 24 fibberwarie
Wo	: 't Witte Kirkske (veursjtad)
Wielaat	: 16:00 toet 20:00
Doelgroep	: 0 t/m 12
Antree	: Graties en veur nieks!

OPROOP SJNAPSNAZEBAL

Veer zeuke dringend helpers vanaaf 11 jaor maar ouch elders die wille óngersjeune.

Waat waert van dich verwach? Veer dreije väöl Vastelaovesmeziek, mer doon ouch väöl sjpelkes en
d'r kómme artieste optraeje. Det móet bedach en geregeld waere. Wils doe dich opgaeve, mail dan
nao: secretaris@dn-uul.nl. Laot estebleef van uch heure, eder hendje is hel neudig. Want dit moog
toch neet verlaore gaon!?

Sleepover Jeuggarde

Aafgekeke van de Kienjergarde hilt de Jeuggarde al 'n aantal jaor ouch 'ne sleepover. Nao 'n boetelandse reis zeen alle Jeuggarde maedjes gezellig mit Puk mit nao hoes gegange. Dao höbbe ze genaote van de culinaire sjpesjaliteite van Mc Donalds, die bie de dames hoog in de top 3 sjtaon.

Redelijk georganiseerd zeen alle pekskes, laerskes en tasse opgeruump óm daonao de bèdde in de woonkamer oet te sjtalle. Waat volgde waar 'ne aovend van maedjesdinger: haore vlechte, sjpelkes en netuurlik filmpkes kieke en denskes doon.

Nao 'n get kórter nachtrös as normaal höbbe de maedjes 'n óntbijtje gehad, daonao höbbe ze zich gewasse en aangekleid. En veurdet 't pregram op zóndig weer begós höbbe ze nog get mini-pizzaatjes verorberd zodet sjmiddigs de bein weer hoog de lóch in kóste.



DE UULEJÓNGES

Waat vónje de Uulejonges van häör eerste jaor bie 't oettrèkkend Jeuggezelsjap van D'n Uul? Veer vraoge det aan ein paar Uulejónges.

Als eerste aan oze

**Ulewapper-moeleman bie de
Uulejónges Sebas Driessen:**

Aafgeloupe jaor waas 't de eerste keer dat veer es Uulejónges d'r bie ware. Det waas eine sjpannende daag, want op dae daag waerde och de Jeugprins oetgerope en veer wiste netuurlik nog neet zo good waat det veer móste doon.

Gelökkig waas dao Vórs Dirk dae ós vertèlde waat de bedoeling waas. Zowie: wanneer veer op Carla móste lette, wanneer veer móste klappe en wanneer veer van 't podium aaf móste.

Ouch ware veer bie 't Jeugprinse treffe gewaes en dao loog väöl sjlók oppe taofels en det vónj ich och heel lekker. Veer hadde och plékplaatjes gekrege die miene pappa had gemaak mit 't Uulejónges logo. Die hóbbe veer

euveral op geplek, zelfs oppe rókskes van de maedjes, hihihi.

De vastelaovesvriedaag waas heel erg gaaf óm op 't podium te moge sjtaon bie de Sjtasiestasie en dan al die miense te zeen en wie groot 't plein dan is, whooo.

Vastelaoves zaoterdag zeen veer mit meneer, Ome Naad volges mich, nao de kirmés gewaes en veer mochte euveral in. Det waas ech sjiek. Nao aafloop mochte veer nog get sjlók oetkeze.

Mer de vastelaovesmaondaag vónj ich 't leukst óm oppe wage te sjtaon en dan door de microfoon te zinge en te rope: "de Uulejónges zeen de bëste!". Mer och sjlók goje nao de kienjer die sjtóngte kieke. Ich haop waal det veer dit jaor get meer sjlók hóbbe. Ich kiek d'r noe al nao oet waat ós dit jaor geit bringe.



Ties Tobben

Hoi, Ich bön Ties Tobben en bön dit jaor nuuj biej de Uulejónges. Ich zit op hockey en breakdance. Mit de vastelaovend gaon ich gaer mit papa, mama en Fien op sjtap. Dan kómme veer opa waal ins taege biej de PK! En biej oma in 't kefeetje kriege veer get te drinke en sjieps. Ich vinj 't leuk óm nao de optoch te kieke en de denskes van de gardes. Jeugprins waere det liekt mich ouch waal get mer ich gaon noe eers ins genete biej de Uulejónges. Ich kin neet wachte.... Sjone vastelaovend allemaol! Ties

Tijl Criens

Ich bön Tijl Criens, nege jaor aad en ich zit oppe Steine brök. Ich vinj de optoch 't sjoonste

van de vastelaovend en Groete oet de fieéstent vijn ich 't leukste leedje. Verder voetbal ich biej SHH en vier ich gaer fekansie in de jungle van Guadeloupe.

Ruben Evers

Ik bön Ruben Evers. Ich vónj 't erg leuk mit Prins Danieck I en alle jónges, veer höbbe väöl gelache en gezónge, soms móste veer get lang wachte en sjtil sjtaon det waas waal erg vervaelend mer dit jaor gaon veer knalle. Tante Carla, Fifi en de mamma van Jip höbbe good veur ós gezorgd mit altied get lekkers óm te sjókke of te drinke. Oppe wage in de optoch waas helemaal te gek, ich höb noe al zin in de vastelaovend.



Ties



Tijl



Ruben



Leve Ome Naad,

**Noojt meer same nao de kirmes...
‘ne Grote Uul mótte veer gaon misse...**



Doe zóls ein van oos eregaste op oos 6 x 11 Kienjergardefeesje waere. 47 maal bös doe mit de Kienjergarde en de Jeugprins nao de kirmes gewaere, 'n sjpesjaal oetsjtepeke door dich georganiseerd.

De lèste jaore moogde de kienjer van de Stijdsgarde ouch mit, gezellig same met zien alle! Veurig jaor ware veer mit 30 kienjer en aevegood moogde ederein euveral in, deje veer 't geweun in twee keer. Eder jaor droogs se de zorg en nemes wis dien geheim det de kienjer in alle attraksies moogde en op 't inj ginge veer nao de sjlókkraom! 't Maakde dich nieks oet det de maedjes 't allergrótste oetzóchde.

Eder jaor kreegs se 'n fles wien es bedenkske van ós en eder jaor zag se; "det hoof toch neet", mer doe gings dan toch mit de fles wien achter op de fiets wiejer mit dien pergram. De lèste jaore hoofde se neet meer nao de Sjtasiefestasie en gings se mit ós 'ne borrel drinke nao 't bezoek aan de kirmes. Meistal ginge veer dan nao 't 'buggy treffe', doe genoots van de drókte en van de mae-djes. Es 't dan maondaag waar, zijweide se altied nao ós, es veer mit de optochwage naeve kwame en dao sjtings se dan greuts met dien Uulemôts op, sjpesjaal veur dich gemaak...

Same höbbe veer döks gelache. De keer det se in de 'booster' wóls mit de Jeugprins en veer ós drök maakde det se get aan dien hert kreegs... Mer de beugel waar te klein en 't ritje ging neet door! Det se mit de kienjer in de drejjende bank gings en 't eigelik bès sjpannend vónjs. De kriebels kreegs se van sjtikkers, eder jaor waerde ós op 't hert gedrök óm dees neet te gebroeke. De keer det se '4x 11 jaor nao de kirmes' gings, det se greuts wilde viere, de PK waar d'r sjpesjaal veur dich en zelfs de burgemeester had dae middaag tied. D'r waar altied mer ein dink waat se van ós wóls weite; wie laat en wo!?

Bedank det veer mit dich mit moogde, veer höbbe genaote. Veer zeen ós!

***Alle maedjes van de Kienjergarde de lèste jaore,
Jeugprins en de begeleiding.
De kleine Uul.***



ZOERVLEIS

INGREDIËNTE VEUR 4 PERSONE

800 gr runjersukade	500 gr ooje
200 ml witte aek	200 ml water
4-5 el appelkruutje	3 blaadjes laureer
2 plékskes paeperkook	3 kroednaegel
Paeper en zalt	Oliefaolie



ZO MAAKS SE 'T

- Sniej de sukade in sjtökskes. Doot 't vleis in eine kómp en doot t'r 200 ml witte aek en 200 ml water bie. Doot t'r zalt en paeper bie en de laureer en de kroednaegel. Laot dit minimaal ein oer, mér nog lever ein ganse nach marinere.
- Sjnie de ooje in halve ringe. Bak ze rondjóm zaach in ein grote sjtoofpan in get bótter of oliefaolie.
- Haol 't vleis oet de marinade en maak dit dreug mit get keukepepijer. Gooj de marinade neet weg. Bring 't vlees extra op sjmaak mit paeper en zalt en bak dit mit. Sjuuf de ooje nao eine kantj van de pan en bak 't vleis rondjóm broen aan de angere kantj van de pan. Is je pan neet groot genóg, haol de ooje dan aeve oet de pan en veug ze vervolges weer d'r bie.
- Veug de marinade en de appelkruutsje bie 't vleis en laot 't zoervleis ongeveer 2 oer sjtote op een leeg vuurke.
- Veug de sjtökskes paeperkook bie 't zoervleis en reur 't nog effe door. De paeperkook zorg neet allein veur eine zeute sjmaak, mér ouch veur de binjing van de saus.
- Vinj se 't vleis nog te zoer veug dan extra paeperkook of kruutsje toe. Of eine laevel broene sókker det kin ouch.



Aetentje Kienjergarde

Zaoterdig 23 november höbbe de kiendjes van de Kienjergarde neet getraind maar höbbe zie op oetneudiging van de trainsters 'n aetentje gehad. Dit waar, pront wie veurig jaor, bie le Journal. De trainsters vónje det de kiendjes al zo good getraind hadde det ze 'n training kóste euverslaon en lekker frietjes kóste aete.

Alle kiendjes krege veur 't aete 'n perseunlike kaart van Kirsten en Felicia mit 'ne Uule-sjleutelhenger. Daonao ware d'r frietjes mit snack, väöl suiskes en appelemoos. As toetje waar d'r cake, dae mit sjlaagroum, hagelsjlaag en sjlók belag kós waere. 't Sjent det d'r noe nog kiendjes loupe te sjtuitere.



DE JEUGGARDE

2019-2020



SOPHIE

7 jaor geleje bön ich begós mit danse bie de Kienjergarde en vanaaf dit jaor bie de Jeuggarde. Mien hobby's zeen danse, hockey en aete. Mit Vastelaovend loester ich gaer nao 't Vleisboeket en aet 't leefs shoarma. Ich sjipst mich op de Sjolefestasie en de Sjtasiefestasie.



MAUD

Ich bön 12 jaor aad, vanaaf dit jaor bie de Jeuggarde, mer al sins mien 6de bie D'n Uul. Mien hobby's zeen: danse en shoppe. Sjoonste Vastelaovesmeziek: 't Vleisboeket en Big Benny. Tip: Waat se ech móos doon mit Vastelaovend is 'n frietje aete bie de outomatiek.

26

MIA

Ich bön 13 jaor. Ich zit noe 3 jaor bie D'n Uul. Ich zit op Lyceum Schöndeln. Mien favoriete sjport is hockey.



PUK

Ich bön 14 jaor aad. Ich zit al sins mien 6e bie D'n Uul. Mien levelingsaete ónger de Vastelaovend is McDonalds.



JENNA

Ich waas al ingesjreve vanaaf mien gebaorte veur de Kienjergarde en op mien 5de begós ich mit danse bie de Kienjergarde en noe bie de Jeuggarde. Mien hobby's: Danse bie D'n Uul. Mien favoriete Vastelaovesmeziek: 't Vleisboeket.



DIEDE

Ich zit sins veurig jaor bie de Jeuggarde en ich vinj 't heil erg lekker óm sushi te aete en frietjes. Mien hobby is tennisse. En mien favoriete Vastelaovesleedjes zeen alle nómmer van 't Vleisboeket.



BIBI

Ich bön begós mit danse bie de Kienjergarde en dans noe veur 't tweede jaor bie de Jeuggarde. Waat ich 't sjoonste vónj waar 't traine mit de groep en netuurlík optraeje op 't grote podium bie de Sjolefestatie veur al die hóngerde miense.



BJÖRK

Ich zit in de Jeuggarde en 't sjoonste aan Vastelaovend vinj ich de Sjolefestasie en de kirmes.



CHARLOTTE

Ich bön 14 jaor en zit op 3 havo. 't sjoonste van de garde vinj ich 't gezellig traine mit zien alle en mit de optoch op de wage sjtaon. Allemaol 'ne sjone Vastelaovend!



ZOË ADAMS

Hoi, ich bön 12 jaor aad en de dochter van Aad prins Marnix I. Ich höb toen gezeen wie sjoon 't waar óm mit de maedjes te danse. Mien favoriete aete is sushi. In miene vrieje tied doon ich 't leefs teikene en chille.




NOOR

Dit is mien 9e jaor bie D'n Uul: eers in de Kienjergarde en dit is noe mien 3e jaor bie de Jeuggarde. Ich vinj Vastelaovend erg sjoon en loester nao bienao alle Vastelaovesleedjes, mer miene favoriete groep is 't Vleisboeket!



ZOË VAN ASTEN

Ich dans óngertosse al 3 jaor in de Jeuggarde. Ich vinj 't sjoonste aan Vastelaovend det se zo gek kins doon es se wils.



DÖBBELINTE

PRINS VAN D'N UUL 2020 VITO I CAMPOS

Waar 't al oojt 'ne druim van Uch óm Prins te waere?

Jao zeker, maar waal allein bie Sjstadsvastelaoves-vereniging D'n Uul! Es veer vreuger ónger vrunj kalde euver "prinseduime" sijting bie mich altied veurop det d'r ech maar ein vereniging 'n optie waar. Dees geweldige fantasie is oetgekómme!

Höb Geer vaort "jao" gezag of móos Geer d'r nog efkes euver naodinke? Stefan Cox, dit jaor veurzitter van de PKBK, (Prins Keuze & Begleijings Kemissie) verzóch mich via e berichske óm 'm trök te belle euver 't evenement Sjwaampop. Achteraaf bleek det 'n aafleijingsmanouvre te zeen, want toen kwaam de grote vraog die ich gaar neet had verwach!

Ich kreeg 't d'r vaort heit van en zoog 't al gans veur mich.

Stefan zag: "dink d'r good en röstig euver nao, kammeraod".

E paar seconde later belde ich mien vriendin op die vol

enthousiasme vaort zag: "volges mich hoofs se hie gaar neet euver nao te dinke....". De daag d'rop (nao 'n sjlaopeloze nach vol bliedsjap) höb ich Stefan vaort trökgebeld en volmondig "JAO" gezag. Det bleek achteraaf te euverenthousias ómdet mien antjwaord pas 'n waek later bie de geheim bie-einkóms mit de ganse PKBK verwach waerde.

Wie zeat Geer toet de keus van de leje van eur prinselik gezelsjap gekómme? Ich höb as eerste van dees drie jonges mie broor as adjudant gevraog. Los van det veer breurs zeen, zeen veer ouch heel gooij vrunj en gaon veer väöl mit ein óm. Verder höb ich mien twee beste kammeräoj gevraog as mien 2 anger adjudante. Veer zeen van kiensbein aaf al vrunj! Daonaeve viere veer al jaorelank same vastelaovend en wis ich det zie 't fantasties zólle vinje om deil oet te make van dit gezelsjap! Ich bön heel blie mit mien keus en haaj van dees drie jonges!

Nao waat veur 'n evenement kiek geer 't meiste oet?

Tiedes de fantastiese aovende in de veurbereijingsperiode höbbe veer al natuurlik ouch dök sjil gesjtange bie 't pregram. Ich dink det d'r óntèlbaar geweldige momente aankómme maar d'r zeen e paar dinger wo ich op veurhandj al extra nao oetkiek! Ein daovan is oze daag in Kölle mer ouch de aovend van miene eige Prinsewins! Daonaeve kiek ich erg oet nao de Sjtasiefestasie! Ich organiseer same mit 'ne groep vrunj ouch altied örges e groot vastelaovesevenement. Daorom vinj ich "oos Remunjse sjtols", De Sjtasiefestasie, ech geweldig!

Gaot Geer 't misse óm mit al eur vrunj vastelaovend te viere? 'n Deil van mien vrunj höb ich óm mich haer in mie Prinselik Gezelsjap. Miene sjat wo ich heel väöl van haaj, hilt ouch erg van de vastelaovend. Daorom vinj ich't tof as zie d'r bie is. Daonaeve zal ich väöl vrunj in 't sezoen taegekómme en dan e glaas mit häör drinke. Ich vinj 't altied sjiek om nuuj luuj te lere kinne en ich weet zeker det hie nuuj vrunjsjappe gaon óntsjaon! Netuurlik zal dit jaor angers zeen, mer det vinj ich in dit geval heel zeker neet erg!

Waat vinjt Geer 't meis bezunjer óngerdeil van eur prinsepak? Van alle prinselike attribuite gaef ich 't meis om mie prinse-





kruuts. Dit kruuts gif mit zien decoraties en tekste aan wo ich veur sjtaon en wo ich van haaj. Ouch mien möts is veur mich erg belangriek. Die höb ich netuurlik zelf gans nao miene wins samegesjteld maar 't is och éin van de óngerdeile waat mich veur mie geveul pas éch Sjtdapsprins van Remunj in 2020 maak!

Waat wilt Geer de laezers van deze Ulewapper nog laote weite?

In de vastelaovesperiode gebeure d'r enorm väöl vête dinger. Väöl daovan lieke döks

vanzelfsjpraekend en zeen veur det se 't wets weer veurbie. 't Is altied belangriek om dich good te ammezere, maar in 't bezunjer is 't dees periode belangriek óm dich HEEL GOOD te ammezere! Geneet dus van deze sjone tied wo veer in Limburg en veural in Remunj zo greuts op zeen! Oos cultureel erfgood, veer gaon d'r same e fees van make. Daoróm och miene sjpreuk: Sjpan, Sjpektakel!

JEUGPRINS VAN D'N UUL 2020 CAS I LINNARTZ

Waar 't al oojt 'ne druim van uch óm Prins te waere? Jao zeker, ich dach altied al, as ze mich vraoge dan zal ich zeker JAO zègke. Maar ich had nooit dörve druime det die vraog oojt zól kómme.

Höb geer vaort "jao" gezag of móos geer d'r nog efkes euver naodinke? Jao, ich höb vaort JAO gezag wie 't gevraog waerde, maar gluive deej ich det neet.

Wie zeet geer toet de keus van de leje van eur prinselik gezelsjap gekómme? Al heel gauw wis ich 't, éíne adjudant is miene bëste vrundj bie de scouting, de angere adjudant zit al vanaaf groep 2 bie mich in de klas.

Nao waat veur evenement kiek geer 't meisste oet? De optoch, ómdet ich dae altied al höb geloupe, en noe moog ich 'm veur éíne keer baovenop 'ne prinsewage mitmake. Maar ouch de Sjolefestasie liek mich heel bezunjer.

Gaot geer 't misse óm mit al eur vrunj vastalaovend te viere? Zeker, heel erg, ich belaef de vastalaovend al vanaaf mien eerste laevesjaor mit mien Vastelaovesvrunj die ederein kint...

Waat vinjt geer 't meis bezunjer óngerdeil van eur prinsepak? ? Eigelik twee dinger: miene sjteek en mie prinsekruuts. sjteek höb ich zelf oetgekaoze, waat op 't prinsekruuts sjteit höb ich zelf bedach.

Waat wilt Geer de laezers van deze Ulewapper nog laote weite? Ederein mótt mit de vastalaovend heel väöl lol en plezeer make en ich dink det ederein dan net zón sjoon sezoen geit höbbe wie ich.



BBQ KIENJERGARDE

Op 25 mei vónj de óngertösse traditionele BBQ van de Kienjergarde plaats. De waergode ware ós weer heel gunstig gezind. De begeleijing had weer "kreatief" boodsjappe gedaon en d'r waar genógo te aete.

Ouch Vórs Dirk kwaam in de Vórsvrie periode weer gezellig e versjetje mitaete bie 't Witte Kirkske. Sjpesjaal veur 't bedenkske aan de begeleidsters Dagmar en Marijn hadde de kiendjes Judeska in vrietieds-kleijaasj in laote vlege óm det in goojo bane te leije. Judeska ziene waakhondj heel óngertösse de wach bie

de ingank van 't Kirkske óm opdringerige fans boete te haje. As extraatje deje de kiendjes nog éíne keer häöre dans van 't aafgeloupe sezoen.

Vórs Dirk en e paar elders gingé zich gans te boete aan kriet-graffiti terwiel de maedjes van de garde en e sjtèl Uulejónges zich sjportief mit 'ne voetbal bezig hele. Taege 't inj van de middaag ging dae voetbal wie langer wie hoger óm oeteindelik zelfs de neudige kere euver 't daak van 't Kirkske te vlege!



Vastelaoves waordzeuker



GROTEPRINS
 HOESORDE
 JEUGGARDE
 JEUGPRINS
 KIENJERGARDE
 KIENJERMUSICAL
 KLOON
 KONFETTI
 OPTOCH
 PRINSEKEPEL
 PRINSEKRUUTS
 RESEPSIE
 SERPENTINES
 SJIEPS
 SJMIENK
 SJNAPSNAZEBAL
 SJOLEFESTASIE
 UULEJONGES
 UULEWAPPER
 VASTELAOVEND

UULE LOGOS SJMINKE

't Uule logo is es sjabloon te kriege biej D'n Uul door ein email te sjture nao info@dn-uul.nl en biej de Póppedokter Wiermans-Genang op 't Munsterplein.

Tips om 't Uule logo op te bringe zónger det de sjmink ónger 't sjabloon doorlop:

- Sjmeer de achterkantj van 't sjabloon in mit Pritt, daonao plekse 't sjabloon mit de klein óngerdeile good op 't gezich.
- Mit eine sjons op ein sjtekske de sjmink deppe en zeker neet te naat aanbringe
- 't Sjabloon d'r aaf haole en 't zit perfek.




*** AET TOP DRIE

De 'aet top drie' van de Jeuggarde is:

Op de 1ste plaats Wieck,

Op de 2de plaats de Automatiek
en op de 3de plaats McDonalds



Sleep-over

Ouch aafgeloupe jaor had de Kienjergarde weer häöre gebroekelike 'Sleep-over', ofwaal pyamaparty, ofwaal 'eine aovend en nach mit zien alle lozjere bie ein van de kienjer toes'. Aafgeloupe jaor waar det bie de vader van Sophie toes; det waar oojt 'n klooster....

Nao 'n duchtig en gezondj dienee van breudjes knakwórs sjpeelde ze 'verbergmenke' in 't dónkere deil van 't klooster. Daonao ging de discoteek in de hoeskamer los, wo Aad Jeugprins Danique en ziene adjudant Jop de tent flink op de kop höbbe gezat. Wie de dames oetgepöt ware van 't danse, zakde ederein op de grote bank óngeroet óm nao de film van Dylan Haegens te kieke. 't Waar al wied nao middernach wie de sjlaopzaal waerde opgezóch. En naodet 'r sjmorges duchtig óntbete waar, kóste zie nog eine keer 'verbergmenke' sjpele veurdet 'r obbernuuj 'n drök pergram begós veur de kiendjes.

Hiebie de foto's





LEEF UULEJEUG EN VASTELAOVEND VIERENDE JEUG IN REMUNJ,



Yes! 't Is gelökkig weer zo wied, de Vastelaovend is veur de Uulekienjer en Ulejeug och weer ech begós! Dit Vastelaovessezoen make veer sjpas & plezze en gaon veer hosse en sjpringe ónger oos jaormotto "**Veer laote de kirk in 't midde**". Det is bezunjer vanwaege de relasie mit 't 800-jaorig jubeleijem van de Munsterkirk op 't prachtige Munsterplein midde in oos Uuleriek. Aad Sjtadsprins Ton I Spätzjens bedach 't sjone motto en de prachtige jaormedalje is gemaak door Ton I en Marjo Peeters, de vormgaefster van deze Uulewapper. 't Is nog belangrieker det veer es Uulefamilie weer gans kópleteet zeen! Op zónndaag 12 jannewarie, höbbe veer **Cas I Linnartz same mit zien 2 ©judante Keane Reinders en Tijs van der Ben** oetgerope en geïnstalleerd toet 54ste Sjtadsjeugprins van Remunj. Op zaoterdaag 5 jannewarie höbbe veer al **Vito I Campos same mit zien 3 ©judante Ayrton Campos, Joep Wolfs en Ramon Neijnens** oetgerope en geïnsjtalleerd toet 77ste Sjtadsprins van Remunj.

Gaer kieke veer nog aeve trök nao 2019. Aad Sjtadsjeugprins Danieck I Brouns mit zien adjudante Job en Vinn same mit regelzöster Bibi en Sjtadsprins Marc II Brouns mit zien adjudante Alexander, Jos, Berry en regelnaef Dave höbbe ós eine sjitterende Vastelaovend gebrach. 't Waas 'n lank en 'n zjwaor sezoen, mer euveral ginge zie ós op ein sjiike wies veur en sjtinge ze te sjtraole. 't Eerste sezoen van de Uulejónges höbbe veer mit väöl enthousiasme belaef. De ganse Uulefamilie haet geweite det der Uulejónges ware en zo heurt det ouch. Chapeau jónges!

Geer höb de boel good oppe kop gezat! Op 't inj van 't jaor mósde veer bie D'n Uul in heel korte tied drie belangrike miense oet ós Uulefamilie loslaote. Deze Uulewapper herdinkt dees bezunjer Uule op 'n fien en passende wies op blaad 9.

Noe kieke veer mit positieve energie en väöl plezze veuroet noe veer bie D'n Uul weer gans kópleteet zeen. Veer gaon same 7 sjoen Vastelaoveswaeke belaeve en höbbe tied genog óm allemaol same op sjtap te gaon. Veur oos Prinselike Gezelsjappe en de Kienjergarde, Jeuggarde, Uulejónges, Damesgarde, Prinsekapel, Raod van XI, Dageliks Besjtutur en soms mit de Senaat sjtaon der leuke aktiviteite op oos pergram. Mit eige ouge höbbe veer kinne zeen det oos Kienjer- en Jeuggarde häör danse al super ónger de knie höbbe. Greuts zeen veer ouch op oos Uulejónges die dit sezoen gesjtaag doorgreuje nao 15 jónges. Vanaaf noe höbbe zie ouch 't zellef óntworpe logo oppe bloes sjtaon en höbbe zie häöre eige "Uule-opkómsmeziek". Geweldig sjiek en modern mit eine sjtevige beat! Laot uch allemaol verrasse....

Dit jaor sjteit netuurlik in 't bezunjer oos Kienjergarde in de spotlights. Zie besjtaon mer leefs 6x11 jaor. Zoväöl jaor Kienjergarde bie D'n Uul, det is neet nieks en verdeent extra aandach! Det doon veur door op zaoterdaag 18 jannewarie eine feesmiddaag te haje veur alle Remunjse Vastelaovesjeug. Ouch Aad Jeugprinse en aad Kienjergardemaedjes waere hiebij betrókke door ein reünie. Haopelik waert der väöl gefees, gedans, gesjprónge en gezónge. En de grote Uule zeen van herte welkóm óm mit te doon!

Ouch kieke veer bezunjer oet nao de Kienjermusical op 17 fibberwarie. Der zeen get wisselinge in de kemissie en op dees plaats nog eine keer ein dieke merci aan Marjan veur 't jaorelank ker trèkk! Door al 't väöle werk zólle de 2 veursjéllinge zeker weer ein prachtig plaejtje waere. Koup dus allemaol een kaertje mit eur familie! Veer haope det **Sjt@sjeugprins Cas I mit zien ©judante Keane en Tijs** der same mit oos Kienjergarde, Jeuggarde, Uulejónges en same mit alle anger Uulekienjer en Ulejeug eine sjone tied van gaon make. Veer winse uch allemaol väöl Vastelaovesplezze ónger ós jaormotto "**Veer laote de kirk in 't midde**"! En vergaet neet: ederein viert de Vastelaovend op zien eige wies..... mer waal SAME!

Vórs
Dirk I





COLOFON

Riddaksie

Hein Jambroers
Esther Verhagen
Frits Criens
Hetty Jacobs-Wiermans
Ton Hensen
Dennis Engelen
Luuk Hendriks
Roel Hendriks

Mit dank aan

Jeugprins van D'n Uul 2020: Cas I
Prins van D'n Uul 2020: Vito I
Vórs Dirk I
Karin Straus
Hoondervel
Theo Hermans
Wilma Favre
Carla Klaver
Dagmar Cillekens
De kienjer van de:
- Kienjergarde
- Jeuggarde
- Kienjermusical
- Uulejonges
Esther Willemsen
Monique Sijben
Marijn van Etten-Baars

Fotoos

Foto Studio Bongers
Femielies van 't JPG
Femielies van de Kienjer-
en Jeuggardes
Harry Allers
Hoondervel
De riddaksieleje

Oetgaaf

Sjtadsvastelaovesvereniging D'n Uul
Posbös 11, 6040 AA Remunj

Vormgaeving

Ontwerpbuuro M
www.ontwerpburom.nl

Drök

ARS Printmedia
Ketak:
www.dn-uul.nl
uulewapper@dn-uul.nl

Copyright 2020

Alle sjrieversrechte mit betrekking
toet de inhald van dees oetgaaf
waere oetdrökkelik veurbahaje.
Dees rechte beröste biej Sjtadsvast-
elaovesvereniging D'n Uul Remunj
ofwaal biej de betreffende sjriever.





D'N UUL PRIZZENTEERT



04-01-2020

Nach van de Nuje Sjtadsprins | Oranjerie, Salle de Fête

09-01-2020

Aovend van de Primäör | Kefee Blöndj & Blöndj

12-01-2020

Middaag van de Nuje Sjtadsjeugprins Oranjerie, Salle de Fête

16|17|18-01-2020

Buute Aovend Lachenderwies Oranjerie, Theaterzaal

18-01-2020

6 x 11 Kienjergarde | Witte Kirkske

25-01-2020

Verkesaovend | 't Sjooplaad

09-02-2020

Resepsie Sjtadsjeugprins | 't Witte Kirkske

15-02-2020

Vastelaoveskirkdeens | St. Christoffel Kathedraal

16-02-2020

Kienjermusical | Oranjerie, Theaterzaal

21|22-02-2020

Sjolefestasie en Sjtasiefestasie | Sjtasieplein

22|23|24-02-2020

Sjnapsnazebal | 't Witte Kirkske

23-02-2020

Resepsie Sjtadsprins | Oranjerie, Salle de Fête

25-02-2020

Aaftraeje Sjtadsjeugprins | 't Witte Kirkske

25-02-2020

Aaftraeje Sjtadsprins | Hotel Valies

